

# Upplýsing - Félag bókasafns- og upplýsingafræða

Lágmúla 7, 108 Reykjavík, kt. 571299-3059

<http://www.bokis.is>

## ***Framkvæmdaáætlun stjórnar 2006-2007***

1. **Rekstur og áframhaldandi uppbygging skrifstofu félagsins**, s.s. að svara erindum og fyrirspurnum sem berast. Koma ýmsum upplýsingum sem berast félaginu, s.s. um ráðstefnur erlendis, á framfæri við félagsmenn um póstlista félagsins og/eða í *Fregnum*. Sinna tengslum við nefndir og halda utan um störf nefnda, fulltrúa, starfshópa og áhugahópa sem vinna á vegum félagsins. Skipuleggja, byggja upp og halda við vefsetri félagsins [www.upplysing.is](http://www.upplysing.is). Viðhalda félagatali og útsendingarlistum *Fregna* og *Bókasafnsins*. Stefnt er að aukinni ráðningu starfsfólks á starfsárinu. Senda út félagsskírteini einstaklinga sem veitir 20% afslátt í ákveðnum bókaverslunum.
2. **Fregnir. Fréttabréf Upplýsingar**. Útgáfa og dreifing fréttabréfsins *Fregna* sem kemur út þrisvar á ári.
3. **Húsnæðismál**. Ljúka við endurskipulagningu húsnæðismála félagsins.
4. **Skjöl og gögn**. Ljúka við að ganga frá skjölum fyrri félaga og finna þeim geymslustað. Ennfremur að ljúka við að ganga frá útgáfulager félagsins.
5. **Stefnumótun og kynningarmál**. Kynna vinnu stefnumótunarnefndar. Átak í kynningu á íslenskum bókasöfnum í samstarfi við aðra. Sinna kynningu á félaginu, innanlands sem utan. Gera kynningarbækling um félagið.
6. **Samstarf við ýmsa innlenda aðila**, s.s. menntamálaráðuneytið, Samráðshóp um upplýsingasamfélagið, Starfsgreinaráð.
7. **Norrænt og alþjóðlegt samstarf**. Þátttaka í samstarfi norrænna bókavarðafélaga og árlegum fundi þeirra, Nordisk bibliotekforeningsmóte, (hér okt. 2006) svo og þátttaka í annarri norrænni samvinnu eftir því sem við á, t.d. við arftaka NVBF og Norrænt net um barnabókasöfn og -menningu. Ennfremur þátttaka í evrópsku (s.s. EBLIDA, framkvæmdanefndar- og fulltrúaráðsfundur í Reykjavík í maí 2007) og alþjóðlegu samstarfi (s.s. IFLA) eftir því sem við á hverju sinni.
8. **Áframhaldandi endurskipulagning á starfsemi félagsins** í þá átt að auka verkaskiptingu þannig að ákveðnir stjórnarmenn og/eða félagsmenn taki að sér ákveðin verk svið og/eða verkefni.
9. **Siðareglur**. Taka þátt í norrænu verkefni um siðareglur starfsfólks á bókasöfnum og athuga við siðanefnd um hugsanlega þörf á endurskoðun siðareglna í samræmi við samfélagsþróun.
10. **Ferðasjóður**. Endurskoða reglur Ferðasjóðs Upplýsingar eftir því sem ástæða er til.
11. **Höfundaréttarmál**. Kynna ný höfundalög og gefa út upplýsingabækling um höfundaréttarmál.
12. **Landsfundur Upplýsingar 2006**. Standa að Landsfundi Upplýsingar í samvinnu við landsfundarnefnd.
13. **Samráðsfundur**. Halda samráðsfund með fulltrúum nefnda og fulltrúum félagsins í nefndum og ráðum um starfsemi félagsins og innra starf þess. Slíkan fund skal að jafnaði halda á kosningaári.
14. **Endurmenntun starfsfólks á bókasöfnum**, m.a. í samstarfi við Endurmenntun HÍ og aðra aðila eftir því sem við á. Standa fyrir fræðslufundum fyrir félagsmenn.
15. **Á LEIÐ TL UPPLÝSINGAR**. Átak í sölu og dreifingu ritsins *Á LEIÐ TIL UPPLÝSINGAR*, sögu FB og BVFÍ ásamt aðildarfélögum þess (FBR, FAS og Skólavörðunnar) sem út kom í lok ágúst 2004. Bókin spannar sögu bókasafnsfræðinga- og bókavarðastéttarinnar frá stofnun BVFÍ 4. des. 1960 þar forverar Upplýsingar voru sameinuð í ársbyrjun 2000. Einnig er fjallað um mótunarár Upplýsingar. Höfundur er Friðrik G. Olgeirsson sagnfræðingur.
16. **Efling félagsstarfs**. Stefnt er að því að jólagleði, vorferð/haustferð og fræðslufundir verði fastir þættir í félagsstarfinu. Ennfremur kynningar á lokaprófsritgerðum, s.s. meistaraþrófsritgerðum.
17. **Afsláttarkjör fyrir félagsmenn**. Stjórn Upplýsingar hefur á stefnuskrá sinni að félagsmenn njóti betri kjara en utanfélagsmenn á þeim námskeiðum og viðburðum sem staðið er fyrir innan vébanda félagsins. Miðað er við a.m.k. 20% afslátt.

*f.h. stjórnar Upplýsingar - Félags bókasafns- og upplýsingafræða*  
*Þórdís T. Þórarinsdóttir formaður*  
*3. maí 2006*

*Upplýsing varð til 1. janúar 2000 við sameiningu íslenskra bókavarðafélaga og er fagfélag á sviði bókasafns- og upplýsingafræða, m.a. með það markmið að gangast fyrir faglegri umræðu, efla skilning á mikilvægi íslenskra bókasafna og upplýsingamiðstöðva í þágu menningar, menntunar og vísinda og efla samvinnu þeirra.*